

辛酉九月

芥莊玩菊詩

蟬窟第十期

芥莊

蟬窟第十期詩選

甲選三十名

菽莊玩菊

五言律一首

胡國鑒

己未登高節初歸適自東騷吟邀契友雅集憶而翁此
日幽芳似當年逸興同思家異張翰何事悵秋風

菽莊玩菊

五律不限韻

江玲

秋色滿東籬籬邊爛醉宜花如人瘦日風送客歸時帶
笑樊川口忘言栗里詩輕舫裝卸後吟侶憶天池

菽莊玩菊

五律四首

張東茂

平生性愛菊栽種滿東籬
劖土劍三尺賞心花一枝
冷香情脈脈瘦影意遲遲
夙昔餐英慣黃昏讀楚辭
避地余何敢幽棲老此生
人閒花自落客至酒頻傾
蕊壓朝霜重籬疏夕月明
向來期正色瞻玩不勝情
好花宜對酒老屋慣藏書
細雨霏三徑涼風瘦一廬
終朝惟我伴舉世識君無
未必孤高傲心知涉世疏
樹密樓臺隱花濃灌溉勤
兩山環菊徑一水對柴門
異

地難爲客新詩欲斷魂此心眞晚節不管夜霜繁

菽莊玩菊

五律不拘韻

紉秋女士

爲嫌城市鬧卜築水雲隈笠屐披霜至裙釵踏月來東
籬同覓句老圃且啣杯回首天倫樂黃花笑口開

菽莊玩菊

五律

跛六

徙倚東籬下南山在目前却疑醉陶令來訪小逋仙英
落和霜嚙花堆作枕眠莫將秋放過況值碧雲天

陶詩採菊東籬下悠然見南山離騷夕餐秋菊之落

英菊枕柳永詞碧雲天黃花地西廂曲亦採用是語

菽莊玩菊

五律不限韻

劉成

遠別山莊久秋風買棹歸非關莼戀戀却爲菊依依座
上燒銀燭籬邊盼白衣醉眠拚化蝶長繞落英飛

菽莊玩菊

五律

葉勉端

閒尋高士宅來訪隱仙壇秋色澹無語霜英香可餐傲
深翻覺媚清絕不知寒我亦逃名者憑君冷眼看

菽莊玩菊

五律不限韻

阿瑛女子

不逐穠華隊惟依翰墨林格高宜晚節香澹見秋心休
負籬邊醉常懷澤畔吟漫云寒澈骨滿地是黃金

菽莊玩菊

五律不限韻

蕭錦祥

別業黃花好秋來入夢頻南溟歸棹客老屋捲簾人叢
坐希陶令英餐異楚臣遙憐工部意兩度淚痕新

菽莊玩菊

五律不限韻二首

通和生

東瀛歸棹日小宴會籬間酒與憐翁飲門呼稚子關龍
頭香晚節人影雜秋山鼓浪微風起輕舫送客還

心不同秋老金尊灑淨塵夕陽籬下影晚節月中人世上黃金薄花前白髮新客來當盡醉爛漫是天眞

菽莊玩菊

五律不限韻

德貞女史

愛菊侔彭澤花時興欲狂歸舟從海國勝侶集山莊酒酌疎籬畔詩哦老屋旁醉還開眼看忍入黑甜鄉

袁簡齋有對菊睡去詩

菽莊玩菊

黃

笑公

歸日正重陽黃花滿菽莊詩箋裁蠟色酒盞泛金光蜂

蕊攢心密鵝脂著瓣香姚家多麗質晚節遜芬芳

菽莊玩菊

侯錦

自有凌霜骨羞隨艸木凋傷秋易老翻覺晚來嬌願
借梅爲伴還欣鶴可調主人知愛護時把墨香澆
菊譜有晚來嬌一種花略小作粉紅色

菽莊玩菊

胡國賢

早有新詩約歸裝趁好風平隄秋水碧老屋夕陽紅正
則餐寧忍淵明愛略同不知摩達畔髣髴似何叢

菽莊玩菊

阿瑛

不學春花媚，翛然出世姿。
正堪供几席，忍令傍藩籬。
伴我霜三徑，酬君酒一卮。
莫忘風雨約，歲歲雁來時。
來鵬詩菊花村晚雁來天

菽莊玩菊

五律一首用主人壽菊七律韻

堃臣

有客自南來，臨風笑口開。
爲尋彭澤宰，同醉菊花杯。
晚節饒三徑，新吟和七哀。
依依憐影瘦，欲去首頻回。
晴天秋色滿，草閣對江開。
已放東籬菊，宜傾北海杯。
好

花供玩賞往事莫悲哀白髮須簪徧樓頭雁又回

又一首

倒用前韻

無恙故人回相逢且莫哀淡黃籬畔菊大醉眼前杯
秋老容顏瘦花香次第開田園蕪已盡頭白好歸來

菽莊玩菊

五律四首

天南逸叟

十年塵海變無處不魂消舊雨懷彭澤新詩和午橋
孤芳閒自賞瘦影淡難描多謝東山客殷勤遠見招

難得閒時節扶筇過菽莊榮枯隨草木點綴藉牛羊地

不織塵染天留晚節芳怪君貪玩賞老圃足徜徉

牡蠣園牆外幽居只種花栽培新事業詩酒舊生涯葉
密深藏蛭途長曲似蛇繞籬秋色淡添藝廣陵瓜

几淨窗明地依山傍水居人皆疑市隱我獨愛吾廬坐
石消清晝憑欄讀故書延年儲斗酒異日約樵漁

菽莊玩菊

五律不限韻

葉勉康

不作繁華夢蕭然獨抱眞佳名符隱士賢主是詩人晚
節高難及秋容澹可親問誰堪與伴除是葛天民

菽莊玩菊

五律不限韻

胡旭升

久作天池客秋風每憶家東籬拚醉酒老屋喜看花有
約經年舊無言落日斜肯同袁大令蝴蝶自矜誇
袁枚對菊睡去詩夢爲蝴蝶去猶繞冷香飛

菽莊玩菊

陳麗堂

曩歲邀吟侶曾稱介壽觴移家頻憶汝歸國爲君忙異
卉思携伴名花合號王不知彭澤種可育牡丹黃

菽莊玩菊

師屠狗齋主人

何處無黃菊平平未足奇一經名士手便有散仙姿應
許陶公醉疇憐楚客悲相逢休恨晚知爾不趨時

菽莊玩菊

五律不限韻

深淵釣漢

一夜梅空憶頻年菊易荒懷歸從海島介壽集山莊潦
倒簪前日徘徊立夕陽忽思蠻芍藥呆對牡丹黃

主人疊移居響答公愚詩頻年殘菊荒徵士一夕寒

梅憶後村

主人有壽菊雅集詩

主人秋日懷人詩黃花潦倒去年簪

主人牆角牡丹歌不如携種閩江去伴我菽莊黃牡

丹

菽莊玩菊

五律四首

恢 叟

役役奚爲者南山徑未荒花開彭澤菊人住板橋莊傲
骨寒逾重詩懷老更狂延年新釀熟料理伴孤芳
高格知誰賞幽居祇自憐客來三徑地人瘦九秋天白
髮孤臣老黃花晚節妍蕭齋閒訂譜對影寫吟箋

隱逸平生志休嗟淡弗如兩開他日淚三益故人書楊
柳誰家宅梅花此敞廬午橋曾訂約莫問故今吾
爲有看花癖栽培歲幾更菽莊今日月遼海昔書生歷
歷滄桑感依依老圃情未須招隱賦歸夢醒分明

菽莊玩菊

五律不限韻

盧贊臣

菽莊何處是鼓浪欲追尋酒酌重陽日詩裁萬里心似
憐情冷淡不與俗浮沉傲骨經霜健烟橫老圃深

菽莊玩菊

葉勉端

靜坐南窗下渾忘日已西名花知擇主勝地合留題佳
色同楓醉孤芳伴鶴栖誰云秋景肅生氣滿霜畦

菽莊玩菊

五律

了了山人

暫息勞人草來看老圃花相期惟隱逸何事鬥繁華名
自群芳殿人懷五柳家陶然一杯酒同醉鷺江霞

菽莊玩菊

五律不限韻

聯可

繞屋花紅白高人此隱居門前無俗客室內有奇書野
色觀難盡秋容畫不如東籬頻徙倚微露涇輕裾

菽莊玩菊

五律四首

南溟旅客

不識陶家徑，匆匆過午莊。
白頭今歲月，青草舊池塘。
把盞邀蟬窟，尋詩到鷺江。
捲簾人共瘦，辜負菊花黃。

盡日忘言對涼風，得意初有花。
皆釀酒，無屋不藏書。
雪白簪雙鬢，霜寒傲一廬。
櫓搖思往事，背指認長途。

曾赴東籬約，名園菊正花。
觴傾陶令酒，盤供故侯瓜。
夢繞三山路，期愆八月槎。
何當歸老圃，携手話桑麻。
未遂棲盤谷，徒殷訪板橋。
滄桑一別恨，髀肉十年消。